

**NAŠA  
STRANKA**

Politička organizacija građana „Naša stranka“  
Općinski odbor Velika Kladuša  
Adresa: Huske Miljkovića br.2  
Telefon: 0603116674  
E-mail: info@kladusajenasa.org

Bosna i Hercegovina  
Federacija Bosne i Hercegovine  
Unsko-sanski kanton  
Općina Velika Kladuša  
Općinsko vijeće Velika Kladuša  
JKUP Komunalije  
Javno preduzeće Veterinarska stanica  
Služba za komunalne djelatnosti, vodne resurse,  
zaštitu okoliša i inspeksijske poslove

## **PREDMET: VIJEĆNIČKO PITANJE**

Poštovani\_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje: **Na koji način, pod čijim nadzorom i po čijem odobrenju se na deponiji Radića most odlaže otpad životinjskog porijekla?**

### **O B R A Z L O Ź E N J E:**

Dana 07.03.2022. godine bio sam svjedok kada su dva vozila, jedan traktor i jedan automobil, sa prikolicama na deponiju dovezli životinjski otpad (iznutrice, kosti i sl.). Zakonom i podzakonskim aktima je propisano da se animalni otpad mora odlagati u jamama-grobnicama, koje mogu biti izgrađene samo na odgovarajućim lokacijama, na mjestu sa kojeg se ne šire nepoželjni mirisi, ne ugrožavaju životnu sredinu, udaljene od poljoprivrednih površina, udaljene od vodotokova i izvorišta. Pored navedenih uslova, jama mora da ima pod i bočne zidove koji su zidani tako da ne propuštaju tečnost, kao i gornju površinu od čvrstog materijala i poklopac koji se zaključava.

Jasno je da mjesto na kojem je smještena deponija ne zadovoljava ove uslove i pitam da li ovakve jame za odlaganje životinjskog otpada postoje na ovoj ili nekoj drugoj lokaciji. Pitanje sam pored JUKP Komunalije postavio i JP veterinarska stanica i nadležnoj službi za inspeksijske poslove iz razloga da se utvrdi da li im je poznato da se životinjski otpad odlaže na deponiji Radića most i pod kojim uslovima.

Mještani okolnih naselja se konstantno bune na povećanje broja pasa lotalica na ovoj lokaciji, pa se logično nameće pitanje da li je odlaganje životinjskog otpada jedan od uzroka tog problema.

Odlaganje životinjskog otpada je regulisano: **Zakonom o veterinarstvu BiH (Službeni glasnik BiH 34/02), Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi (Službeni glasnik BiH broj 19/11) i Pravilnikom o utvrđivanju veterinarsko-zdravstvenih uslova za odlaganje, korištenje, sakupljanje, prevoz, identifikaciju i sljedivost, registraciju i odobravanje pogona, stavljanje na tržište, uvoz, transit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi (Službeni glasnik BiH broj 30/12).**

Molim pisani odgovor

Ime i prezime: Zlatko Pajazetović  
Klub vijećnika Naše stranke

Velika Kladuša,  
20.04.2022.godine